

sia'u'uraisa

siriatunuluna, ihlaisa pualisuhla sitakuamia, ucaniika kuacahliaku
malitunulu.

mangusipiaku maru miacaciacihli pihlingina, aariaari ina'ana
takulangulangu taku'i'iaru, aariaari pasapulatu, ucaniika kuakutalaku
talakakukua, aariaari hlipahlivingikuna, aanu uuru hla camaina, ngasa
hliuvura? mairahlu ina'ana, ucaniika kuakuacahlia manau.

hlitakulangulanguaisa avavu uuru hla camai, kuucani kualiatunulu,
karukuhlumana puatakuliacu aanu, kunaku atuhlungu masasahli
rahlungu taucu'u ina'ana, musa tumaluluvu ina'ana rumurumu 'ucuru.

ulavaisa macahliacuaku, kani'i ina'ana macuisa ma siangusipa. kana'a
ihlaisa kuasapua ucani ari ,ari kana'a aracarimicua ina'ana, hlimatasa'ai
tatara kuacuka, ihlakucua takuakucu ta'iarasalia, pu'a hlatungu, avavu uuru,
hlumavu, hlumamusu sasaruana, hlitakumiana tamuucu mipulatu.
atuhlungu hlitakimia ina'ana, ulavaisa macahliacuaku hlipasalangulangu,
macahlia hliaparapihla ihlakua ina'a, marapihli ihlaku, kani'i, takuliacua
tikiku maci micikiri ihlaku. ahliki'ai mumua angahli ihlakuna
atuahlu siacalaiku hla masasangaru, tuahlu mumua uvuruisana siacalai.

marua cucu'u amihla “ hlivuraisa ihlau ina'ana, ma siaupanguna
kuaautuahlu pirakucuisana. ” mairahlu kani'ina, manikia pakaranga tikiu
uvuraisana, hla mairahlu kupataingalu hlivuraisa siacalaia. maniki aunana ia
avurikuisana, ta'iaraisaka inaku piratumuhlu ihlaku ina'ana. macuaku
marakaka ia, ngahlaisa ma patikiku apasamanganu ihlaku? maci
takulaicu tikiku ia, ngahlaisa ma patikiku tumahlisasangalu ihlaku?
macuaku pausakusakiri ia, ngahlaisa ma patikiku kiahlahlahlamu ihlaku?
macuaku macarumu ia, ngahlaisa ma patikiku miasasara ihlaku? ihlaisa
ihlau inaku. maru ucani sipimia mavacangu, siacalaia ina'a ia sihlangu,
maru ahla masarumuna tumacacurunukia masunguli. siacalaia ina'ana ausi
matahlisau sahlumu, siacalaiana ausi mapuhli.

“ ngahlaisa ami maini siacalaiana kutuahlu uvura siacalaia ina'a. ”
kainu, ulavaisa macahlia mamaini ahlaina. cucuari, manau siacalaia ina'ana,
marapihli siacalaia ina'a tuahlu mumua macahlia siriatunula, umaru
sukuatitipa malutunulu ihlau—tam takualangulangu inaku.

115 年全國語文競賽臺灣原住民族語言朗讀文章 【拉阿魯哇語】 高中學生組 編號 1 號

感恩

我從不懂得感恩。我生活在一個單親家庭裡，媽媽每天辛苦地工作，可我從不在乎。我的一切皆為母親給予，我卻不曾感激。我從不曾體會媽媽的辛苦！有天，媽媽臥病在床，我包攬家務，一天下來十分疲累，終於體會母親的辛苦、感受到母親對我付出的愛，我害怕媽媽突然離我而去。

有人說：「母親給予你的，你一生也還不了。」有句話說得好，母愛是陽光，母愛是清泉，今後，我將會在珍惜母愛，學會用行動回報！